



TUSO YEZWA KWA HALIMU

I LUKISIZWE KI
BO WATSON GOODMAN

KIMPO—A KI TWA KU LEKISA

‘TUSO YEZWA KWA HALIMU’ ki kopano ya mavesi a swana ka litoho za litaba, ze zwisizwe mwa makepe a mañata a mwa Bibebe. Ni lumela kuli mutoloki yo munde wa linzwi la Mulimu ki yona Bibebe ka sibili.

Linzwi la Mulimu li zwa’kwa halimu’ mi li tusa hahulu mwa lipilu ze nyolezwi ku luka. Muntu ha iba a baka, ni ku fulalela kwa sibi, ni ku kupa Mulena Jesu Krete kuli a ine mwa pilu ya hae, ni ku lumela ka pilu ya hae kaufela ku Mulena Jesu Krete kuli ki Mupilisi, Mulena u ka iponisa ku yena ni ku fa tabo ni kozo ya hae mwa pilu ya ya mulumezi. Ni tilo ziba nto ye mwa silimo sa 1937, mi ha ni si kabe na sinya kutwano ye makaza ye ni Mulena ku zwa silimo se sa 1937. Na mi kupa bana ba hesu kuli mufe mibili ya mina ku Yena kuli a be Mupilisi wa mina ni Mulena’mina ONAFA, haiba a mu si kabe mwa eza cwalo.

— Watson Goodman

LILATO LA MULIMU

1

Joani 3.16

Kakuli Mulimu u latile lifasi hahulu, mane u li file Mwan'a hae wa libanda, kuli mutu ufi kamba ufi ya lumela ku yena a si ke a shwa, kono a be ni bupilo bo bu sa feli.

Maroma 5.8

Kono Mulimu fo a tahisize kanya ya lilato la hae ku luna, kikuli lu sa li baezalibi Krete u shwile bakeñisa luna.

Joani 13.1

Mukiti wa Paseka ha u s'o li fakaufi, Jesu ya n'a ziba kuli nako ya hae s'e fitile ya kuli a siye lifasi, ku ya ku Ndat'ahe, cwa-

le sina ha n'a latile ba hae ba ba mwa lifasi, a ba lata ku feleleza.

Sinulo 1.5

Ni ki Jesu Krete, paki ye sepahala, wa pili ku ba ba zuhile kwa bafu, ni Mulena wa malen'a lifasi. Ku Yena ya lu lata, mi a lu tapisize libi za luna mwa mali a hae.

Joani 15.13

Ha ku na lilato le li fita la ya fa balikani ba hae bupilo bwa hae.

Jeremia 31.3

Muñ a Bupilo u iponahalize ku na kwakale, a li: E, Ni ku latile ka lilato le li sa feli; kabakaleo ni ku bulukela sishemo sa ka.

Mateu 1.22, 23

Zeo kaufela ne li tahile kuli ku ezahale se ne si bulezwi ki Mulena, ka mupolofita ya n'a ize: A mu bone, musizana u ka ba fa mezi a manca, a pepe mwana, Mi libizo la hae u ka bizwa E-MANUELE, kikuli, ha ku fetulwa, MULIMU U NA NI LUNA.

Joani 14.9, 10a

Jesu a li ku yena: Ni inzi ni mina nako ye kaufela, mi ha u si ka ni ziba Filipi! Ya ni boni, u boni Ndate. U ka bulela cwañi kuli: U lu bonise Ndate? Kana ha u lumeli kuli ni inzi ku Ndate, ni kuli Ndate u ku na?

I Timotea 3.16

Ki taba ye sa hanyezwi, ya kuli kunutu ya bulapeli ki ye tuna: Yena ya bonahezi mwa nama, u ezizwe ya lukile ka Moya, u bonwi ki mangeloi, u bulezwi kwa macaba, u lumezwi mwa lifasi, u kambamiselizwe kwa kanya.

Joani 1.1, 14

Kwa simuloho ne ku na ni Linzwi, mi Linzwi n'a li ku Mulimu, mi Linzwi ne li MulimuMi Linzwi a ezwa nama, mi a t'o yaha ku luna a tezi sishemo ni niti; mi lwa buha kanya ya hae, ili kanya ye lukela Mwana wa libanda ya zwa ku Ndate.

JESU MWANA MULIMU

3

Makolose 2.9

Kakuli ku Krete ki mo ku inzi mutalelela luli wa Bumulimu, ka mubili.

Mateu 3.17

Mi kwa utwahala linzwi le li zwa kwa lihalimu, le li li: Yo ki mwan'a ka ya latiwa, ye ni katelwa.

I Joani 4.15

Ya bulela kuli Jesu ki Mwan'a Mulimu, Mulimu u inzi ku yena, ni yena u inzi ku Mulimu.

Isaya 9.6

Kakuli lu pepezwi mwana, lu filwe wa mushimani: Bulena bu ka bewa fa liheta la hae; mi u ka

bizwa Ya Babazwa, Muelezi, Mulimu ya Mata, Ndate wa kamita, Mulena wa Kozo.

Luka 1.35

Lingeloi la alaba, la li ku yena: Moya o Kenile u ka shulumukela ku wena, mi mata a Muambakani-ya-Pahami a ka ku ukama; ki fo, Ya-Kenile ya ka pepwa ki wena u ka bizwa Mwan'a Mulimu.

Mateu 17.5

A li a sa bulela, lili le li benya la ba kwahela; mi kwa utwahala linzwi le li zwa mwa lili, le li li: Yo ki Mwan'a ka ya latwa, ye ni katelwa; mu mu utwe.

Joani 11.25

Jesu a li ku yena: Ki na zuho ni bupilo; ya lumela ku na, nih'a shwile u ka pila.

Joani 8.23

A ba bulelela, a li: Mina mu zwa fafasi, na ni zwa kwahalimu. Mina, mu ba lifasi le; na, ha ni wa lifasi le.

Joani 8.58

Jesu a li ku bona: Kaniti-niti na mi bulelela, ni li, Abrahamama a si ka ba teñi kale, ne ni nze ni li teñi.

Joani 9:5

Ha ni sa li mwa lifasi, ki na liseli la lifasi.

Joani 6.35

Mi Jesu a li ku bona: Ki na buhobe bwa bupilo; ya taha ku na h'a sa na ku lapa, ku ya ku ile; mi ya lumela ku na, h'a sa na ku shwa linyolwa, ku ya ku ile.

Joani 4.25, 26

Musali a li: Ni ziba kuli Mesia wa ta, ye ba biza kuli ki Krete. H'a s'a tile, u ka lu zibisa linto kaufela. Jesu a li ku yena: Ki na yo, na, bulela ni wena.

Joani 10.7

Jesu a ba bulelela hape a li: Kaniti-niti na mi bulelela, ni li: Ki na munyako wa lingu.

LIMAKAZO ZANA EZIZE JESU

5

Luka 5.4-6

H'a felize ku ba luta, a bulelela Simoni, a li: Isa mwa ngala, mi mu yumbe tunyandi, mu yambe. Simoni a alaba, a li: Lu tozi busihu kaufela inze lu ikataza, lu si ka sela se siñwi; kono ka linzwi la hao ni ka yumba kanyandi. Ha ba ezize cwalo, ba sela libunda le lituna la litapi; mane kanyandi ka ba ka pazuha.

Mateu 14.19-21

A laela buñata kuli bu ine fa bucwañi; a nga mahobe aketalizoho, ni litapi ze peli, a talima kwa lihalimu, a lumba; kih'a komauna mahobe, a fa balutiwa,

mi balutiwa ba abela buñata kwateñi. Ba ca kaufela, ba kula; mane kwa nopwa likotwana ze siyezi, mi za taza lizuma ze lishumi ka ze peli. Mi ba ba cile, ne li banna ba ba batile ku eza 5,000 ha ku sa balwi basali ni banana.

Mateu 20.30, 34

Mi libofu ze peli ze ne inzi kwatuko ni nzila, ha li utwa kuli Jesu wa fita, za huwa, za li: Mwan'a Davida, u lu utwele butuku. . . . Jesu a ba utwela butuku; a swala fa meto a bona, mi kapili-pili ba bona. Kiha ba mu latelela.

6 JESU KRESTE KI YENA MUBUPI NI MULENA

I Makorinte 1.9

Mulimu wa sepahala, Yena ya mi bizelize ku kena mwa kopano ni Mwan'a hae Jesu Kreste Mulen'a luna.

Maheberu 1.2

Kale. . . Cwale mwa linako ze, za mafelelezo, u bulezi ni luna ka Mwana yo a beile ku yola sanda sa lika kamukana, yo hape n'a ezize ka yena ze bupilwe kaufela.

Likezo 2.36

Kamukaocwalo, ba ndu ni ndu ya Isilaele ba zibe kuli ki ñiti, kuli Jesu yo, ye mu kokotezi fa si-fapano, Mulimu u mu ezize Mulena ni Kreste.

Joani 1.3

Linto kamukana li ezizwe ka yena; mi ku ze ezizwe, ha ku na se si ezizwe ku sa ezi yena.

Makolose 1.16

Kakuli linto kamukana li ezizwe ka yena, ze kwa libalimu, ni ze mwa lifasi, ze bonwa ni ze sa bonwi, nihaiba mabona a ku busa, kamba malena, kamba milonga,, kamba mibuso; kaufela li ezizwe ka yena, mi li ezelizwe yena.

Maroma 14.9

Kakuli Kreste ha n'a shwile mi hape a pila, neli kuli a buse ba ba shwile ni ba ba pila.

JESU KRESTE KI YENA MUATULI WA BATU 7 KAUFELA

Maroma 14.10

Kono wena kiñi s'o nyazeza mwanahenu? hape wena kiñi s'o kendela mwanahenu? Kakuli lu ka yemiswa kaufela fapil'a situlo sa Mulimu sa katulo.

Likezo 10.42

U lu laezi ku bulelela sicaba, ni ku paka, kuli ki yena ya bei-lwe ki Mulimu ku ba Muatuli wa ba ba pila ni ba ba shwile.

Maroma 2.16

Ku ka bonahala cwalo mwa lizazi le Mulimu a ka atula ka Jesu Kreste likezo za batu ze sa zibwi, sina mo i lutela Evangeli ya ka.

Luka 3.17

Liselo li mwa lizoho la hae; u ka huhula fa sihoto sa hae, a kubukanye mabele mwa lituli la hae, mi a cise muuku mwa mulilo o sa timi.

II Timotea 4.1

Ni ku laela fapil'a Mulimu, ni fapil'a Jesu Kreste ya ka atula ba ba pila ni ba ba shwile, nako y'a ka taha ni mubuso wa hae; ni li.

Mateu 25.32

Ku ka kopana fapil'a hae macaba kaufela; mi u ka keta ba bañwi ku ba bañwi, sina mulisana h'a keta lingu mwa lipuli.

8 MULIULULI FEELA KI JESU KRESTE

Joani 10.9

Munyako ki na; mutu h'a kena ka na u ka piliswa, u ka kena mi u ka zwa, mi u ka fumana mafu-lisezo.

Joani 14.6

Jesu a li: Ki na nzila, ni niti, ni bupilo; ha ku na mutu ya ka taha ku Ndate, konji ka na.

Joani 8:24

Kifo ni mi bulelezi kuli mu ka shwela mwa libi za mina; ka-kuli ha mu sa lumeli se ni li so-na, mu ka shwela mwa libi za mina.

Maheberu 5.9

Cwale h'a ezizwe ya petehile, u fetuhile muñ a musebezi wa ku

pilisa ko ku sa feli ba ba mu u-twa kamukana.

Likezo 4.12

Mi ku piliswa, ha ku yo ku yo muñwi; kakuli ha ku na Libizo li sili mwatas'a lihalimu, le ba fi-lwe batu, le lu ka piliswa ka lo-na.

I Matesalonika 5.9

Kakuli Mulimu h'a si ka lu to-mela buhali, kono s'a lu tomezi kikuli lu luwe bupilo ka Mu-len'a luna Jesu Kreste.

Maheberu 7.25

Kabakaleo, u kona ku pilisa ku feleleza ba ba taha ku Muli-mu ka yena, kakuli unz'a pila ka-mita ku ba lapelela.

MULIULULI FEELA KI JESU KRESTE 9

Luka 19.10

Kakuli Mwan'a mutu u tile ku t'o bata ni ku pilisa se si la-tehile.

Makolose 1.12-14

Mu itumele ku Ndate ya lu file tukelo ya ku ca kwa sanda sa balumeli mwa liseli. U lu lamulezi kwa mata a lififi, mi u lu shimbululezi mwa mubuso wa Mwan'a hae ya latwa, Ye ka yena lu filwe ku liululwa, ku swalelwa libi za luna.

Sinulo 5.9

Mi ba opela pina ye nca, ba li: Wa lukela ku nga buka, ni ku mamulula maswayo a yona; kakuli u kile wa bulaiwa, mi wa

liululela Mulimu, ka mali a hao, batu ba ba zwa mwa masika kaufela, ni mwa lipuo, ni mwa mishobo, ni mwa macaba.

I Makorinte 1.30

Mi ki ka Yena ha mu li ku Jesu Kreste ya ezizwe ki Mulimu butali bwa luna, ni ku luka kwa luna, ni ku keniswa kwa luna, ni ku liululwa kwa luna.

Tite 2.14

Ya itobohile mwa sibaka sa luna, kuli a lu liulule kwa bumaswe bwa luna kaufela, mi a lu kenise, ku eza ka luna sicaba se li sa hae luli, se si tukufalelwa misebezi ye minde.

Maroma 5.9

Cwale ha lu se lu beilwe ba ba lukile ka mali a hae, lu ka piliswa kwa buhali bwa Mulimu, hahulu ni ku fita, kabakala hae.

I Joani 1.7

Kono ha lu zamaya mwa liseli, sina Yena h'a li mwa liseli, lu na ni kopano hamoho; mi mali a Jesu Mwan'a hae a lu tapisa libi kamukana.

I Pitrosi 1.18, 19

Mu nze mu ziba kuli hasi ka ze bola, hasi ka silivera ni gauda, mu liuluzwi kwa mizamao ya mina ya mbango, ye mu ngile ku

bondat'a mina; Kono ki ka mali a Krete, a butokwa, a' swana sina a ngunyana ye si na se si nyazahala kamba litiba.

Maefese 1.7

Ka yena lu liuluzwi ka mali a hae, mi lu swalezwi lifoso, ka ku ya ka bufumu bwa sishemo sa hae.

Maheberu 9.14

Mali a Krete, yena ya itahisize ku Mulimu ka Moya o sa feli, ili sitabelo se si tokwa fo si nyazahalela, ha ni li, a fita hahulu ani, mwa ku kenisa maikuto a luna kwa misebezi ye shwile, kuli lu sebeleze Mulimu-Ya-Pila?

KU PILISWA KA TUMELO KU KRESTE

11

Maefese 2.8, 9

**Kakuli mu pilisizwe ka sishe-
mo, ka tumelo; ha ku zwi ku mi-
na, ki mpo ye zwa ku Mulimu;
Hasi ka misebezi, kuli ku tokwe
ni ya ka itumba.**

Maroma 5.1

**Cwale, ha lu beilwe ba ba lu-
kile ka tumelo, lu na ni kozo ku
Mulimu ka Jesu Krete Mula'a
luna.**

Magalata 5.6

**Kakuli ku Jesu Krete se si na
ni tuso hasi ku kena mwa mupato
kamba ku sa kena; kono ki tu-
melo ye sebeza ka lilato.**

Joani 6.28, 29

**Cwale ba li ku yena: Lu ka
ezañi, kuli lu eze misebezi ya
Mulimu? Jesu a ba alaba, a li:
Musebezi wa Mulimu kikuli mu
lumele ku y'a lumile.**

Joani 20.31

**Kono zona ze, li ñozwi kuli mu
lumele kuli Jesu ki yena Krete,
Mwan'a Mulimu; ni kuli ka ku
lumela, mu be ni bupilo ka Li-
bizo la hae.**

I Joani 5.4

**Kakuli se si pepilwe ki Mulimu
kamukana si tula lifasi; mi tulo
ye tuzi lifasi ki tumelo ya luna.**

Malilo 3.22, 23

Ha lu sa timiswi, ki kabakala sishemo sa Muñ a Bupilo; kakuli makeke a hae h'a feli; A bona-hala sinca kakusasana, ka zazi ni zazi. Ku sepahala kwa hao ki ko kutuna!

Lisamu 108.4

Kakuli sishemo sa hao ki se situna, si y'o fita kwahalimu a lihalimu, Mi ku sepahala kwa hao ku y'o fita kwa malu.

Tite 3.5

Mi hasi ka misebezi ye lukile ye lu ezize, kono ki ka sishemo sa hae, ka kolobezo ya ku pepwala bubeli, ni ka ku shemuna kwa Moya o Kenile.

Mika 7.18

Ki ufi Mulimu ya swana sina Wena, ya swalela bumaswe, ya libala libi za masialeti a buswa bwa hao? H'a buluki buhali bwa hae kamita, kakuli u tabela ku shemuba.

Lisamu 103.17

Kono sishemo sa Muñ a Bupilo si nze si li teñi ku ya ku ile ku ba ba mu saba, Ni niti ya hae kwa bana ba bana ba bona.

Lisamu 103.11

Kakuli lihalimu sina mo li pahamezi kwahalimw'a lifasi, Sishemo sa hae ki se situna cwalo ku ba ba mu saba.

MULIMU U LU KUPA KULI LU TAHE KU YENA 13

Sinulo 22.17

Mi Moya ni munyaliwa ba li: Taha! Mi ni yena ya utwa a bulele, a li: Taha! Mi ya shwile linyolwa a tahe; ya lata, a nge fela kwa mezi a bupilo.

Joani 7.37

Ka lizazi la mafelelezo, lona le lituna la mukiti, Jesu a yema, mi a tumusa kwa linzwi, a li: Mutu h'a nyolilwe a te ku na, mi a nwe.

Isaya 55.1

Mina kaufela ba ba shwile linyolwa, a mu te kwa mezi, ni ya si na mali! A mu te, mu ite-

kele mi mu ce. A mu te, mu itekele veine ni mabisi, mu si na mali, ku si na tifo.

II Makorinte 5.20

Kihona ha lu li mandumeleti a Krete, inge Mulimu u lapela ka luna: Lwa mi lapela bakeñisa Krete, lu li: Mu kutisane ni Mulimu.

Isaya 1.18

A mu tahe, lu lukise litaba, ku bulela Muñ a Bupilo. Libi za mina, niha li ka ba ze fubelu sina mali, li ka fetuha ze sweu sina litwa; mi niha li ka ba ze fubelu sina lizuku, li ka fetuha ze sweu sina boya bwa ngu.

14 HA KI BATU KAUFELA BA BA LI BANA BA MULIMU

I Joani 3.10

Bana ba Mulimu ni bana ba Diabulosi ba bonahala ka se: Mutu ni mutu ya sa ezi se si lukile hasi wa Mulimu, nihaiba ya sa lati mwanahabo.

Maroma 8.14, 15

Kakuli kaufela ba ba zamaiswa ki Moya wa Mulimu, bona ki bana ba Mulimu. Kakuli ha mu si ka amuhela moya wa butanga kuli sabo i be teñi hape; kono mu amuhezi Moya wa ba ba añulwa, o ka ona lu biza, lu li, Abba, Ndate!

Mafilipe 2.15

Kuli mu be ba ba sa nyazahali, ba ba si na bumaswe, bana ba Mulimu ba ba si na litiba mwa-hal'a lusika lo lu si ka luka, lo lu maswe, mo mu benya sina mamonyi mwa lifasi.

II Makorinte 6.17, 18

Hakubacwalo, Mu zwe ku bona, mi mu kauhane, ku bulela Mulena; Mu si ke mwa swala se si masila, Mi ni ka mi amuhela. Ni ka ba Ndat'a mina, Mina mu be bana ba ka ba bashimani ni ba basizana, Ku bulela Mulena Ya-Mata-Kaufela.

LINZWI LA MULIMU FA LIKA ZE KOLWA 15

Liproverbia 23.31, 32.

U si ke wa katelwa bufubelu bwa macwala, H'a tahisa mubala wa ona mwa sinwiso, Mi a nwi-wa ka bubebe. Kwa mafelelezo, a luma sina noha, E, a luma sina sibili.

Magalata 5.19-21

Mi misebezi ya nama ya zibahala: Ki ku buka, ni buhule, ni mikwa ye masila, ni bubelete, Ki ku lapela milimu, ni buloi, ki sitoyo, ni lifapano, ni lifufa, ni buhali, ni likañi, ni likauhano, ni lituto za buhata; Ki muna, ni butahwa, ni ku ca maswe, ni ze ñwi ze cwalo; na mi bulelela,

sina ha ni se ni mi bulelezi, kuli ba ba eza ze cwalo ha ba na ku ca sanda sa mubuso wa Mulimu.

Maroma 13.13, 14

Lu zamaye ka mukwa o swanela, sina musihali; isi ka ku ca maswe ni ku kolwa, ka buhule ni ku eza ze swabisa, ka likañi ni muna; Kono mu apale Mulena Jesu Krete, mi mu si ke mwa babalela nama ka ku pila ka litakazo za yona.

Isaya 5.11

Bumai ki bwa ba ba shituka ku kitimela kwa bucwala, ba ba sa bu liseli mane ku isa kwa busihu bo butuna, ku fitela ba kolwa.

Mareka 10.17-22

Muluti yo munde, se ni tokwa ku eza ki nto mañi, kuli ni luwe bupilo bo bu sa feli? Jesu a li ku yena: Kiñi s'o ni bizeza yo munde? Yo munde h'a yo, konji Mulimu a nosi. U ziba milao ye li: U si ke wa bulaya; U si ke wa buka; U si ke wa uzwa; U si ke wa paka za buhata; U si ke wa sinyeza mutu; U kuteke ndat'aho ni m'aho. Yo a alaba, a li: Muluti, zeo kaufela ni li mamezi ku zwa kwa bwanana bwa ka. Jesu h'a mu shalimile a mu lata, mi a li ku yena: U sa tokwile ku eza nto i liñwi; u ye, u lekise s'o sweli kaufela, u si

fe babotana, mi u ka ba ni bufumu kwa libalimu; ha u felize zeo, taha, u ni latelele. Kono mutu yo a utwa butuku ka li-nzwi leo, mi a yelela a swabile hahulu; kakuli n'a sweli maluwo a matuna.

Mateu 22.37, 38

Jesu a li ku yena: Lata Mulena Mulimu wa hao, ka pilu ya hao kaufela, ni ka moya wa hao kaufela, ni ka kutwisiso ya hao kaufela. O ki mulao o mutuna ni wa pili.

Liproverbia 16.25

Ku mutu, nzila ye ñwi inge i lukile, Kanti ko i yo felela ki kwa lifu.

Magalata 6.3

Mutu h'a ikupula kuli ki nto ye tuna, kanti hasi se siñwi, wa ipuma.

Magalata 6.7

Mu si ke mwa ipuma, Mulimu h'a somiwi; kakuli s'a cala mutu, ki sona s'a ka kutula.

Jakobo 1.22

Mu be baezi ba Linzwi, isi bautwi fela ba ba ipuma.

I Makorinte 6.9, 10

Kana ha mu zibi kuli ba ba sa ezi ka ku luka, ha ba na ku ca sanda sa mubuso wa Mulimu? Mu si ke mwa ipuma: Ni mahule, ni ba ba lapela milimu, ni babuki, ni ba ba lumela ku ezwa

musali, ni ba sodoma, Ni masholi, ni ba ba lakaza za ba bañwi, ni matahwa, ni mahata, ni ba ba limba ba bañwi, ha ba na ku luwa sanda sa mubuso wa Mulimu.

I Joani 3.7, 8a

Bana, mu si ke mwa pumwa ki mutu; ya eza se si lukile, u lukile sina Yena h'a li Ya lukile. Ya eza sibi ki wa Diabulosi, kakuli Diabulosi u eza sibi ku zwa kwa makalelo. . . .

Maefese 5.6

Mutu a si ke a mi puma ka manzwi a' si na tuso. Kakuli ki kabakala zeo buhali bwa Mulimu ha bu tahela ba ba sa utwi.

Maroma 5.12

Kabakaleo, sibi sina ha si keni mwa lifasi ka mutu a li muñwi, mi ka sibi ku keni lifu, kamukwaocwalo lifu li tile kwa batu kaufela kakuli ba ezize sibi kaufela.

Maroma 8.6

Kakuli ku utwa za nama ki lifu; kono ku utwa za Moya ki bupilo ni kozo.

Ezekiele 18.20

Moya o ezize sibi, ki ona o ka shwa. Mwana a si ke a lwala bumaswe bwa ndat'ahe, mi mushemi ni yena a si ke a lwala bumaswe bwa mwan'a hae. Ku luka kwa ya lukile ku ka ba fa-

halimu a ya lukile, mi bumaswe bwa ya maswe bu ka ba fahalimu a ya maswe.

Luka 15.32

Kono neli swanelo kuli ku tabwe mi ku nyakalalwe; kakuli munyan'a hao yo n'a shwile, mi u pilile; n'a latehile, mi u fumanwi.

Liproverbia 11.19

Ya tiiseza mwa ku eza niti u ka fumana bupilo; Kono ya tundamena bumaswe u liba kwa lifu.

Jakobo 1.15

Mi takazo ha i simuluhile, i tahisa sibi; mi sibi ha si hulile si zwala lifu.

KRESTE U TULILE LIFU

19

I Makorinte 15.25, 26

Kakuli u swanezi ku busa ku isa f'a ka beela lila za hae kaula mwatas'a mautu a hae. Sila sa maungulelo s'a ka felisa ki lifu.

Sinulo 1.18

Mi ki Na Ya-Pila; ne ni shwile, mi bona, ni pila mwa linako ni linako; mi ni na ni linotolo za lifu, ni za sibaka fo ku inzi ba ba shwile.

Joani 11.43, 44

A fez'o bulela cwalo, a biza ka linzwi le lituna, a li: Lazaro, zwa mo. Mi mufu a zwa, a tatilwe kwa mahutu ni kwa ma-

zoho ka masila, mi pata ya hae i apesizwe taulo. Jesu a li ku bona: Mu mu tatulule, mi mu mu lisele a izamaele.

Joani 10.17, 18

S' a ni latela Ndate kikuli ni fa bupilo bwa ka, kuli ni bu nge hape. Ha ku na mutu ya ni amuha bona; ni na ni mata a ku bu fa, mi ni na ni mata a ku bu nga hape. Ki yona taelo ye ni filwe ki Ndate.

Luka 7.14, 15a

Cwale a sutelela kwa lukutu; ba ba lu lwezi ba yema; mi Jesu a li: Mucaha, na ku bulelela, Zuha! Mufu a zuha, mi a kala ku bulela. . . .

Deuteronomoma 5.7-21

U si ke wa ba ni milimu ye miñwi fapil'a ka.

U si ke wa ikezeza siswaniso se si betilwe, nihaiba siswaniso sifi kamba sifi sa linto za kwa-halimu mwa lihalimu, nihaiba sa ze mwatasi mwa lifasi, nihaiba sa ze mwa mezi mwatas'a lifasi; U si ke wa si kubamela, u si ke wa si sebeleza. . . .

U si ke wa bapalisa Libizo la Muñ a Bupilo Mulimu wa hao, kakuli Muñ a Bupilo h'a na ku latula mulatu wa ya bapalisa Libizo la hae.

Mamela lizazi la Pumulo ku li eza le li kenile, sina mw'a ku

laelezi Muñ a Bupilo Mulimu wa hao. Mazazi a 7 ki ona a u lukela ku sebeza ni ku eza musebezi wa hao kaufela; Kono lizazi la bu 7, ki pumulo ya Muñ a Bupilo Mulimu wa hao. . . .

Kuteka ndat'aho ni m'aho, sina mw'a ku laelezi Muñ a Bupilo Mulimu wa hao. . . .

U si ke wa bulaya.

U si ke wa buka.

U si ke wa uzwa.

U si ke wa tameleza wahenu ka bupaki bwa buhata.

U si ke wa lakaza musali wa wahenu; u si ke wa lakaza ndu ya wahenu, nihaiba simu ya hae, nihaiba mutang'a hae wa munna

kamba wa musali, nihaiba komu ya hae, kamba mbongolo

ya hae, nihaiba nto kamukana ya wahenu.

HA MU KONA KU IPATA KU MULIMU 21

Luka 8.17

Kakuli ha ku na se si kwahezwi se si si ke sa bonahazwa; mi ha ku na se si patilwe se si ke sa zibwa ni ku patalazwa.

Lisamu 139.8, 12

Ha ni li, ni kambamele kwa lihalimu, u kwateñi; Niha ni li, ni y'o lobala mwa mabaka a ba ba shwile, ni mona u mwateni. . . . Ku Wena, lififi ha li bonahali ku ba le linsu, Busihu bu bonahala liseli sina musihali; Ku Wena, lififi ni liseli za swana.

Jeremia 23.24

Kikuli mutu a ka ipata kwa mukunda, mane ni palelwe ku mu bona? ku bulela Muñ a Bupilo. Ha ni li, lihalimu ni lifasi li tezi Na? ku bulela Muñ a Bupilo.

Jobo 34.21, 22

Kakuli meto a hae a talima mikwa ya mutu, Mi u bona mizamao ya hae kaufela. Ha ku na lififi kamba muluti wa lifu, Mo ba ka y'o ipata ba ba maswe.

22 MANYANDO A SA FELI A BA BA SI KA LUMELA

II Pitrosi 3.7

Kono lihalimu la cwale, ni lifasi la cwale, li bulukezwi mulilo ki Linzwi lona leo; li bulukezwi lizazi la Katulo ni ku yunda kwa banyefuli.

Sinulo 20.15

Mi mutu ni mutu ya si ka fumanwa a ñozwi libizo mwa buka ya bupilo, a nepelwa mwa lisa la mulilo.

Mateu 18.8

Mi lizoho la hao, kamba liutu, ha li ku sitatalisa, u li pume, mi u li nepele kwahule ni wena; se sinde ku wena ki ku kena mwa bupilo u na ni lizoho li li liñwi, kamba liutu li li liñwi, isi ku ba

ni mazoho a mabeli, kamba mau-tu a mabeli, ni ku nepelwa mwa lyangalilo le li sa timi.

Mateu 13.41, 42

Mwan'a mutu u ka luma mangeloi a hae, kuli a kumule mwa mubuso wa hae ba ba sitatalisa batu, ni ba ba eza bumaswe, Mi a ba nepele mwa lyangalilo, fo ku na ni lililo ni likwecameno.

Lisamu 9.17

Ba ba maswe ba yelela kwa musima, Ona macaba kaufela a' libala Mulimu.

Mateu 25.46

Mi bona bao ba ka ya mwa manyando a' sa feli; ba ba lukile ba ye kwa bupilo bo bu sa feli.

II Makorinte 5.10

Kakuli lu swanezi ku taha kaufela fapil'a situlo sa Katulo, sa Krete, kuli mutu ni mutu a nge se si likana ni s'a ezize ha n'a sa inzi mwa mubili, nihaiba se sinde, nihaiba se si maswe.

Likezo 17.31

Kakuli u tomile lizazi l'a ka atula lifasi ka ku luka, ka Munna y'a beile ku eza seo; mi u file batu kaufela sisupo se si tiile, ka ku mu zusa kwa bafu.

Sinulo 20.12

Mi na bona ba ba shwile, ba batuna ni ba banyinyani, ba ye-mi fapil'a Lubona; mi libuka za apulwa; kwa apulwa ni buka ye

ñwi ili ya bupilo; mi bafu ba atulwa ka ku ya ka ze ñozwi mwa libuka, zona likezo za bona.

Maheberu 9.27

Mi sina ha ku laezwi kuli batu kamukana ba na ni ku shwa hañwi, kiha ku taha Katulo.

I Joani 4.17

Lilato mo li petahalela ku luna, kuli lu be ni sepo ye tuna mwa lizazi la Katulo, kikuli mw'a inezi Yena, ki mo lu inezi ni luna mwa lifasi lye.

II Pitrosi 2.9

Mulena u ziba ku lamulela batu ba balapeli kwa miliko, ni ku bulukela ba ba maswe lizazi la Katulo, ku ba nata koto.

I Pitrosi 5.5b

. . . kakuli Mulimu u hanela ba ba ikuhumusa, mi u shemuba ba ba ishewa.

II Makorinte 9.15

Ku iswe buitumelo ku Mulimu ka mpo ya hae ye sa konwi ku taluswa.

Maroma 9.16

Kifohe, taba ha i yo mwa mata a ya lata, kamba a ya itahanela; kono i mwa mata a Mulimu ya shemuba.

Maroma 5.15

Kono mpo ya sishemo ha i ini sina foso. Kakuli ba bañata ha

ba shwile kabakala foso ya mutu a li muñwi, sishemo sa Mulimu, ni mpo ye zwa mwa sishemo sa mutu a li muñwi, yena Jesu Kreste, zona, li atezi ba bañata ni ku fita.

II Makorinte 8.9

Kakuli mu ziba sishemo sa Mula'na luna Jesu Kreste, kuli niha n'a fumile, u ikezize mubotana kabakala mina, kuli mu fume ka bubotana bwa hae.

Likezo 4.33

Baapositola ne ba paka zuho ya Jesu Kreste ka mata a matuna; mi sishemo se situna ne si ina fahalimw'a bona kamukana.

Likezo 3.19

Hakulicwalo, a mu bake, mi mu sikuluhe; kuli libi za mina li takulwe.

Likezo 17.30

Mulimu h'a s'a tuhezi lina-ko za ku sa ziba, kuli li fite, cwale u bulelela batu kaufela, mwa mabaka kaufela, kuli ba bake.

Luka 13.3

Ni li ku mina: Batili; kono ha mu sa baki, mu ka shwa cwalo kaufela.

Likezo 2.38

Pitrosi a li ku bona: Mu bake, mi mutu ni mutu wa mina a kolobezwe ka Libizo la Jesu Kreste,

kuli a fiwe swalelo ya libi; mi mu ka amuhela mpo ya Moya o Kenile.

Mateu 3.2

N'a li: Mu bake, kakuli mubuso wa kwa lihalimu s'o li fakaufi.

Liproverbia 28.13

Ya pata milatu ya hae h'a na ku bona mbuyoti; Kono ya i bulelela, mi a i bakela, u ka shemu-biwa.

II Makorinte 7.10

Kakuli ku swaba ka mukwa o latwa ki Mulimu, ku isa kwa ku baka ko ku pilisa; kono ku swaba ka mukwa wa lifasi ku isa kwa lifu.

Likezo 5.31

Mulimu u mu hulisize ka lizoho la Hae la bulyo, kuli ibe yena Mulena ni Mupilisi ya fa Isilaele ku baka, ni swalelo ya libi.

Isaya 55.7

Ya maswe a tuhele nzila ya hae, mi ya si na niti a tuhele mi-hupulo ya hae; a sikuluhele ku Muñ a Bupilo mi u ka mu she-muba; a kutele ku Mulimu wa luna kakuli h'a katali ku swalela.

Sinulo 3.20

Bona, ni yemi mwa munyako, na ngongota; mutu h'a utwa lizwi la ka, mi a kwalulula si-

kwalo, ni ka kena ku yena, ni t'oca mulalelo ni yena, ni yena a ce ni na.

Mateu 6.14

Kakuli ha mu swalela batu lifoso za bona, Ndat'a mina ya kwa lihalimu u ka mi swalela ni mina.

Ezekiele 18.21

Kono ya maswe h'a tuhela ze maswe z'a n'a eza, mi a tokomela litaelo za ka, a zamaya ka milao ni ka swanelo, luli u ka pila, a si ke a shwa.

Mareka 2.5

Jesu h'a bona tumelo ya bona, a li ku ya omelezi: Mwan'a ka, libi za hao u li swalezwi.

KU ZWA KU ZA LIFASI

27

Makolose 3.2

**Mu ise pilu ku za kwa lihali-
mu, isi ku ze mwa lifasi.**

Maefese 5.11

**Mi mu si ke mwa ba ni taba
ni misebezi ye si na tuso ya li-
fifi, kono mu i nyaze.**

II Timotea 4.10

**Kakuli Demasi u ni fulalezi ka
ku lata lifasi la cwale, mi u ile
kwa Tesalonika. Kresensi u ile
kwa Galatia; Tite u ile kwa Dal-
matia.**

Tite 2.11, 12

**Kakuli sishemo sa Mulimu se
si pilisa batu kamukana, si bona-
halile, Si nze si lu luta ku tuhela
mukwa wa ku sa saba Mulimu**

**ni wa ku shukelwa za lifasi, ni
kuli lu pile mwa linako za cwale
ka kutwisiso, ni ka ku luka, ni
ka bulumeli.**

Isaya 1.16

**Mu tape, mu ikenise, mu zwi-
se bumaswe bwa likezo za mina
fapil'a meto a ka; mu lisele ku
eza bumaswe.**

I Joani 2.15, 16

**Mu si ke mwa lata lifasi, ni-
haiba ze mwateñi mwa lifasi; mu-
tu h'a lata lifasi, lilato la Ndate
ha li yo ku yena. Kakuli ze mwa
lifasi kaufela, takazo ya nama,
ni takazo ya meto, ni buikuhu-
muso bwa bupilo, ha li zwi ku
Ndate, kono li zwa mwa lifasi.**

Ezekiele 36.26

Mi ni ka mi fa pilu ye nca, ni kenye ku mina Moya o munca; mi ni ka zwisa mwa mubili wa mina pilu ya licwe, ni mi fe pilu ya nama.

II Makorinte 5.17

Hakubacwalo, mutu h'a li ku Krete, ki ya bupilwe sinca; za kale li felile, mi linto kaufela li fetuhile ze nca.

I Joani 2.29

Ha mu ziba kuli Yena ki Ya lukile, mu zibe kuli mutu ni mutu ya eza se si lukile u pepilwe ki Yena.

I Pitrosi 1.23

Mu pepilwe sinca, isi ka peu ye bola, kono ka ye sa boli, ka Linzwi la Mulimu le li pila, le li ina.

I Joani 5.18

Lwa ziba kuli mutu ni mutu ya pepilwe ki Mulimu h'a ezi sibi; kono ya pepilwe ki Mulimu wa ipabalela, mi ya maswe h'a mu swali.

Joani 3.3

Jesu a mu alaba, a li: Kanitiniti na ku bulelela, ni li, Mutu h'a sa pepwi sinca, h'a koni ku bona mubuso wa Mulimu.

KU SHWA KWA NEKU LA SIBI — KU ZUHA NI KRESTE

29

Magalata 5.24

Ba ba li ba Jesu Krete ba kotezi nama fa sifapano, hamoho ni se si latwa ni se si lakazwa ki yona.

Maefese 2.1, 6

U zusize ni mina, ba ne mu shwile mwa milatu ni mwa libi za mina. . . . Mi u lu zusize hamoho, mi wa lu inisa hamoho mwa mabaka a kwa lihalimu ku Jesu Krete.

I Pitrosi 2.24

Ki yena ya lwezi libi za luna mwa mubili wa hae fa sifapano, kuli lu shwe kwa neku la sibi,

mi lu pilele Ku Luka; ki yena ye mu folisizwe ka miupa ya hae.

Makolose 2.13

Mina be ne mu shwile kabakala lifoso za mina ni ku tokwa mupato mwa mubili wa mina, u mi pilisize hamoho ni yena; kakuli u lu swalezi lifoso kamukana.

Maroma 6.2, 11

Luna ha lu shwile kwa neku la sibi, lu ka pila cwañi mwa sibi? Kamukwaocwalo ni mina mu talime kuli mu shwile kwa neku la sibi, ni kuli mu pilela Mulimu, ka Jesu Krete.

30 BUPILO BO BU SA FELI

Maroma 6.23

Kakuli mupuzo wa sibi ki lifu; kono mpo ya sishemo sa Mulimu ki bupilo bo bu sa feli ka Jesu Kreste Mulen'a luna.

Joani 17.3

Mi bupilo bo bu sa feli, kiku-li ba ku zibe, Wena, Mulimu a nosi wa niti, ni y'o lumile, yena Jesu-Kreste.

Joani 3.14, 15

Mi sina Mushe mw'a n'a pahe-kezi noha mwa lihalaupa, Mwan'a mutu ni yena u swanezi ku pahekwa cwalo, Kuli mutu kau-fela ya lumela ku yena a be ni bupilo bo bu sa feli.

Joani 3.36

Ya lumela ku Mwana u na ni bupilo bo bu sa feli; mi ya sa lumeli ku Mwana h'a na ku bona bupilo, kono buhali bwa Mulimu bu inzi fahalimw'a hae.

Magalata 6.8

Ya calela nama ya hae, u ka kutuliswa ki nama ku bola; kono ya calela Moya, u ka kutuliswa ki Moya bupilo bo bu sa feli.

Joani 5.24

Kanitiniti na mi bulelela, ni li: Ya utwa linzwi la ka, mi a lumela ku Ya ni lumile, u na ni bupilo bo bu sa feli; mi h'a ti mwa katulo, kono u zwile mwa lifu, mi u keni mwa bupilo.

Magalata 4.6

Mi cwale kakuli lu bana, Mulimu u lumezi mwa lipilu za luna Moya wa mwan'a hae, o huwa, u li: Abba, Ndate!

Joani 14.21

Ya utwa litaelo za ka, mi a li mamela, ki yena ya ni lata. Mi ya ni lata, u ka latwa ki Ndate, ni na, ni ka mu lata, ni iponahaze ku yena.

Isaya 32.17

Musebezi wa ku luka ikaba ku tahisa kozo; mi muselo wa ku luka ikaba pumulo ni buiketo.

I Joani 3.18, 19

Bana, ku lata kwa luna ku si ke kwa ba ka manzwi ni ka luli-

mi, kono ibe ka likezo ni ku eza niti. Ki ka se, lu ka ziba kuli lu na ni niti, mi lu ka tiisa lipilu za luna fapil'a hae.

Maroma 8.16

Ni ona Moya u pakelana ni moya wa luna kuli lu bana ba Mulimu.

I Joani 4.13

Fo lu zibela kuli lu inzi ku Yena, ni Yena ku luna, kikuli u lu file kwa Moya wa hae.

I Joani 3.24

Ya ya ka litaelo za hae u ina ku Mulimu, ni Mulimu u ina ku yena. Mo lu zibela kuli u inzi ku luna, ki ka Moya o a lu file.

32 KRESTE YA MWA PILU U TISEZA TABO

Lisamu 16.11

U ka ni bonisa nzila ya bupilo; Fapil'a hao ku tezi tabo; Ku la bulyo la hao ku inzi ze tabisa, ku ya ku ile.

Joani 17.13

Kono cwale ni taha ku Wena; mi ni bulela zeo ni sa li mwa lifasi, kuli tabo ya ka i be teñi ku bona ka ku tala.

Maroma 14.17

Kakuli mubuso wa Mulimu hasi ku ca, hasi ku nwa; kono ki ku luka, ni kozo, ni tabo, ka Moya o Kenile.

Magalata 2.20

Ni kokotezwi ni Krete fa si-fapano, mi ha i sa li na ya pila,

kono ki Krete ya pila ku na; mi cwale ha ni nze ni pila mwa nama, ni pila ka tumelo ku Mwan'a Mulimu ya ni latile, mi a itobohile mwa sibaka sa ka.

Isaya 12.3

Mu ka ikela mezi ka tabo Mwa maweluwelu a bupilo.

Maefese 3:17

Kuli Krete a yahe mwa lipilu za mina ka tumelo; ni kuli ha mu se mu hulile mwa lilato ni ku tiya mwateñi.

Joani 15.11

Ni mi bulelezi zeo kuli tabo ya ka i ine ku mina, ni kuli tabo ya mina i be ye petehile.

KU UTWA MULIMU KWA TOKWAHALA

33

I Samuele 12.15

Kono ha mu hana ku utwa manzwi a Muñ a Bupilo, mwa ikuhumuseza mulao wa Muñ a Bupilo, lizoho la Muñ a Bupilo li ka mi lwanisa, mo li lwanise-lize bokuku a mina.

Maroma 6.16

Kikuli ha mu zibi kuli ha mu ikeza batanga ba mutu ku mu utwa, mu batanga ba hae yena ye mu utwa; nihaiba batanga ba sibi se si isa kwa lifu, kamba batanga ba ku utwa ko ku isa kwa ku luka?

II Matesalonika 1.7-9

Mi mina ba ba kaleliswa, mu fiwe pumulo ni luna, nako y'a ka

bonahala Mulena Jesu, a zwa kwa lihalimu ni mangeloi a mata a hae, Mwa malimi a mulilo; kuli a nate ka koto ba ba sa zibi Mulimu, ni ba ba sa ipeyi kwatas'a Evangeli ya Mulena Jesu; Bao koto ya bona, ki ku sinyeha ko ku sa feli, kwahule ni pata ya Mulena, kwahule ni kanya ya mata a hae.

Deuteronoma 11.26-28a

A mu bone, kacenu ni beya mbuyoti ni sikuto fapil'a mina; Mbuyoti, kiha mu ka utwa milao ya Muñ a Bupilo Mulimu wa mina, ye ni mi laela kacenu; Sikuto kiha mu sa utwi milao ya Muñ a Bupilo Mulimu wa mina.

34 KU BULELA KRESTE KWA TOKWAHALA

I Joani 2.23

Mutu ni mutu ya latula Mwana, mane ni Ndate h'a na Yena; kono ya bulela Mwana, u na ni ni Yena Ndate.

Mateu 10.32, 33

Mutu kaufela ya ka ni bulela kwa batu, ni na, ni ka mu bulela ku Ndate ya kwa lihalimu. Kono mutu kaufela ya ka ni latula kwa batu, ni na, ni ka mu latula ku Ndate ya kwa lihalimu.

Maroma 10.9, 10

Li li: Ha u bulela Mulena Jesu ka mulomo wa hao, mi u lumela mwa pilu ya hao kuli Mulimu u mu zusize kwa bafu, u ka pila. Kakuli mutu u lumela ka pilu,

kuli a beiwe ya lukile; mi u paka ka mulomo, kuli a piliswe.

II Timotea 2.11, 12

Ki linzwi le li sepahala, le li li: Ha lu shwa ni Yena lu ka pila ni Yena; Ha lu itiisa mwa butata, lu ka busa ni Yena; ha lu mu latula, ni Yena u ka lu latula.

Mafilipi 2.11

Mi malimi kamukana a bulete kuli Jesu Kreste ki Mulena, ibe kanya ku Mulimu Ndate.

Luka 9.26

Kakuli mutu h'a ni swabela, na, ni litaba za ka, Mwan'a mutu u ka mu swabela nako ya ka ta ha ka kanya ya hae, ni ya Ndat'ahe, ni ya mangeloi a kenile.

I Pitrosi 5.8

Mu n'ò iswala, mu libelele. Daibulosi, sila sa mina u nz'a zamaya sina tau ye lila ye bata ye i ka ca.

II Matesalonika 2.9

Yena Muikanyisi u ka taha ka mata a Satani, ka ku kona kaufela, ka limakazo ni liponiso za buhata.

Mateu 4.1, 10, 11

Cwale Jesu a iswa ki Moya mwa lihalaupa, ku y'ò likwa ki Diabulosi. . Cwale Jesu a li ku yena: Zwa Satani, kakuli ku ñozwi kuli: Kubamela Mulena Mulimu wa hao, mi u sebeleze Yena a nosi. Cwale Diabulosi a mu li-

sela; mi mangeloi a sutelela ku Jesu, a mu sebeleza.

Likezo 26.18

Kuli u tonise meto a bona, ba zwe mwa lififi mi ba kene mwa liseli; ba zwe ni mwa mata a Satani, mi ba sikuluhele ku Mulimu, kuli ba fiwe swalelo ya libi za bona, ni sanda hamoho ni ba ba kenile, ka ku lumela ku Na.

II Makorinte 2.11

Kuli lu si ke lwa amuhiwa mutu ki Satani; kakuli lu ziba milelo ya hae.

Maefese 6.11

Mu swale lilwaniso kaufela za Mulimu, kuli mu kone ku tiya kwa lunya lwa Diabulosi.

II Matesalonika 2.8

Kiha ku ka taha Muikanyisi, ya ka bulaiwa ki Mulena ka moya wa mulomo wa hae, a mu yundise h'a ka iponahalisa, fa ku taha kwa hae.

Jakobo 4.7, 8a

Hakulicwalo, mu ipeye kwatas'a Mulimu; mu hanele Diabulosi, mi u ka saba ku mina. Mu sutelele ku Mulimu mi u ka sutelela ku mina. . .

Maheberu 2.14

Cwalehe, bana sina mo ba ngela siemba mwa mali ni nama, kamukwaocwalo ni yena a nga siemba kwateñi, kuli ka lifu

la hae, a felise ya sweli mubuso wa lifu mwa mata a hae, yena Diabulosi.

Maroma 8.35, 37

Ki mañi ya ka lu kauhanya ni lilato la Krete? Kikuli ikaba butata, kamba ñalelwa, kamba manyando, kamba tala, kamba mapunu, kamba kozi, kamba lilumo? . . .Kono mwa linto zeo kaula lu tula ni ku fita ka Ya lu latile.

I Joani 3.8

Ya eza sibi ki wa Diabulosi, kakuli Diabulosi u eza sibi ku zwa kwa makalelo. Mwan'a Mulimu h'a tabile, libaka kikuli a felise misebezi ya Diabulosi.

KU LATA MULIKO WA BULUTIWA

37

I Joani 4.20

Mutu h'a li: Ni lata Mulimu, mi ki ya toile mwanahabo ye a bona, h'a koni ku lata Mulimu ye a sa boni.

Magalata 5.22, 23a

Kono muselo wa Moya ki lilato, ni tabo, ni kozo, ki pilu-telele, ni musa, ni bunde, ki bu-sepahali, Ni ku ishuwa, ni buiswalo. . .

Joani 21.16

Jesu a li ku yena hape la bu-beli: Simoni mwan'a Jona, kana wa ni lata? A li ku yena: E-ni, Mulena, u ziba kuli na ku

lata. Jesu a li ku yena: Lisa lingu za ka.

I Makorinte 13.1

Niha ni ka bulela lipuo za batu ni za mangeloi, ha ni si na lilato, ni mulangu fela o lila, kamba ngongi ye mulumo o mutuna.

Joani 13.35

Se ba ka ziba batu kaufela kuli mu balutiwa ba ka ka sona, ki ha mu latana.

I Joani 3.14

Mo lu zibela kuli lu zwile mwa lifu ku kena mwa bupilo, ki ha lu lata banabahabo luna. Ya sa lati mwanahabo u sa inzi mwa lifu.

Likezo 10.39-41

Luna lu lipaki za litaba kamukana ze ezizwe mwa naha ya Majuda ni mwa Jerusalema. Ba mu pahekile fa kota, ba mu bulaya. Kono Mulimu u mu zusize kwa bafu mwa lizazi la bulalu, mi u mu file ku bonahala, Isi kwa sicaba kaufela, kono kwa lipaki ze ne ketilwe pili ki Mulimu, kikuli ku luna, be lu cile, lu nwile ni yena a sin' o zuha kwa bafu.

Joani 20.26-28

Ha ku se ku fitile mazazi ake-talizoho ka a malalu, balutiwa ne ba kopani hape mwa ndu, mi fo Tomasi n'a inzi ni bona. Je-

su a taha, minyako inz'e kwali-lwe; a yema mwahal'a bona, mi a li ku bona: Kozo i be ni mina. Kih'a li ku Tomasi: Suteleza kwanu munwana wa hao, mi u bone mazoho a ka; suteleza ni lizoho la hao, mi u li beye mwa lubaci lwa ka; mi u si ke wa ba ya sa lumeli, kono u lumele! Tomasi a alaba, a li: Mulen'a ka, ni Mulimu wa ka!

Mareka 16.9

Jesu h'a n'a zuhile ka lizazi la pili la sunda, a iponisa pili ku Maria Magdalena, y'a n'a lelekile ku yena mioya ye maswe iketalizoho ka ye mibeli.

ZUHO, SEPO YA LUNA YA LIMBUYOTI

39

Joani 5.25, 28, 29

Kaniti-niti na mi bulelela, ni li: Nako ya ta, mane i se i tile mo bafu ba ka utwa linzwi la Mwan'a Mulimu; mi ba ba li utwa ba ka pila. . . .Mu si ke mwa komoka ka taba yeo; kakuli nako ya ta, mo ba ba li mwa mabita kaufela, ba ka utwa linzwi la hae, Mi ba zwe; ba ba ezize ze nde ba zuhele bupilo, mi ba ba ezize ze maswe ba zuhele katulo.

Maroma 6.3-5

Kana ha mu zibi kuli luna kaufela ha lu kolobelezwe ku Jesu Krete, lu kolobelezwe mwa lifu la hae? Hakulicwalo lu

pumbekilwe ni yena ka ku kolobelezwa mwa lifu la hae, kuli Krete sina ha n'a zusizwe kwa bafu ka kanya ya Ndate, kamu-kwaocwalo ni luna lu zamaye ka bupilo bo bunca. Kakuli ha lu fetuhile kota i liñwi ni yena ka lifu le li swana ni la hae, lu ka ba cwalo ni ka zuho ye swana.

Mateu 16.21

Ku zwa kwa nako yeo, Jesu a kala ku taluseza balutiwa ba hae, kuli u swanezi ku ya kwa Jerusalema, a utwiswe butuku bo butuna ki baprisita ba bahulu ni bañoli, mi a bulawe, mi a zuhe ka lizazi la bulalu.

Luka 1.74, 75

Bwa kuli h'a s'a lu lamulezi mwa mazoho a lila za luna, Lu mu sebeleze lu si na sabo, Lu li ba ba kenile, ba ba na ni niti fa-pil'a hae Ka mazazi kaufela a ku pila kwa luna.

II Timotea 2.21

Kifohe, mutu h'a ikenisa ka ku hana zeo, u ka ba piza ye beezwi ku kutekiwa, ye kenisizwe, ye na ni tuso ku muñ a yona, ye lukiselizwe misebezi ye minde kaufela.

I Pitrosi 1.2

Ba ba zibilwe pili ki Mulimu Ndate, ba ba kenisizwe ki Moya, kuli ba utwe Jesu Krete mi ba

hasakwe mali a hae; ni li: Mu atelwe ki sishemo ni kozo.

I Pitrosi 1.15

Kono sina ya mi bizize h'a li Ya-Kenile, ni mina mu be ba ba kenile mwa mizamao ya mina kaufela.

Maefese 4.24

Ni ku apala mutu yo munca ya bupwa ka siswaniso sa Mulimu mwa ku luka, ni mwa ku kena kwa niti.

II Makorinte 7.1

Cwale balatiwa, ha lu na ni li-sepiso ze cwalo, lu ikenise kwa masila kaufela a nama ni a moya, lu nze lu peta ku ikenisa kwa luna ka ku saba Mulimu.

Isaya 35.8

Likululu li ka ba teñi, ni nzila ye ka bizwa Nzila ye kenile; mutu ya na ni masila h'a na ku fita mwateñi; i ka ba ya ba ba kenile fela; ba ba ka zamaya ku yona, niheba likuba, ha ba na ku lateha.

Maheberu 13.12

Kabakaleo, Jesu ni yena, kuli a kenise sicaba ka mali a hae, u utwile butuku kwand'a munyako wa munzi.

Mateu 3.11

Na, ni mi kolobeza ku baka, ka mezi fela; kono ya taha mwa-mulaho wa ka, wa ni fita kwa mata; mi ha ni si ka lukela ku

mu lwalela likatulo za hae. Ki yena ya ka mi kolobeza ka Moya o Kenile, ni ka mulilo.

Maefese 1.4

Mw'a n'a lu ketezi ku yena pili, lifasi li si ka tomwa, kuli lu be ba ba kenile, mi lu tokwe litiba fapil'a hae.

II Pitrosi 3.11

Cwale linto zeo kaufela sina ha li na ni ku fela, ni li, mu lukela ku pila ka mizamao ye kenile hahulu, ni ka bulapeli.

I Joani 1.9

Ha lu ipulela libi za luna, Mulumu ki Ya sepahala, Ya lukile, kuli a lu swalele libi, mi a lu tapise bumaswe kaufela.

42 BATU BA BATEZI MOYA O KENILE

Maroma 8.9

Kono mina ha mu pili ka nama, kono ka Moya haiba Moya wa Mulimu u inzi ku mina. Mutu h'a si na Moya wa Krete hasi wa hae.

Luka 11.13

Mbali mina ba ba na ni lunya, mu ziba ku fa bana ba mina lika ze nde, Ndate ya kwa lihalimu u ka mi fita hahulu mwa ku fa Moya o Kenile ku ba ba u kupa ku yena.

Likezo 1.8a

Kono mu ka amuhela mata, Moya o Kenile ha u ka ta ku mina. . .

Likezo 4.31

Ba sin'o feza ku lapela, sibaka se ne ba kopani ku sona sa zikinyeha, mi batu kamukana ba tala Moya o Kenile, mi ba bulela Linzwi la Mulimu ba sa sabi.

Likezo 11.24

Kakuli neli munna ya na ni musa, mi n'a tezi Moya o kenile ni tumelo; mi batu ba bañata hahulu ba kumalela Mulena.

Ezekiele 36.27

Ni ka beya Moya wa ka ku mina, ni mi konise ku zamaya ka milao ya ka, mi mu ka mamele likatulo za ka, ku li eza.

LISEPISO ZE NDE KU BA KRESTE

43

Lisamu 34.18

Muñ a Bupilo u fakaufi ni ba ba na ni pilu ye lobehile, Mi u pilisa ba ba ikutwa ku swaba mwa moya wa bona.

Isaya 66.2

Linto zeo kaufela li ezizwe ki lizoho la ka, mi ha li li teñi ki ka Na, ku bulela Muñ a Bupilo. Kono mutu ye ni ka talima, ki mutu ya ikokobeza, ya lobehile pilu mi a kuñiswa ki linzwi la ka.

Sinulo 21.4

Mi u ka takula miyoko kaufela kwa meto a bona; mi lifu ha li sa na ku ba teñi; nihaiba ku ta-

helwa ki maswabi ni ku lila, ni ku utwa butuku; kakuli za pili li felile.

I Pitrosi 4.12, 13

Balatiwa, ha mu inzi mwa mulilo wa miliko, mu si ke mwa komoka, inge mu tahezwi ki taba ye sa utwahali; Kono mu tabe, kabakala kuli mu ngile siemba kwa manyando a Kreste; kuli kanya ya hae ha i ka patuluha, mu kone ku nyakalala ka tabo ye tuna.

Lisamu 37.3

U sepe Muñ a Bupilo, mi u eze se si lukile; Yaha mwa naha, mi u tundamene ku ba ya sepahala.

Maheberu 2.18

Kakuli sina ha n'a likilwe ka butuku bw'a utwile, u kona ku tusa ba ba likwa.

Lisamu 34.19

Manyando a ya lukile ki a ma-ñata: Kono Muñ a Bupilo u mu lamulela ku ona kaufela.

Maroma 8.28

Mi lu ziba kuli linto kaufela li sebelisana hamoho ku tahisa bunde ku ba ba lata Mulimu, bona ba ba bizizwe ka mulelo wa hae.

I Makorinte 10.13

Ha mu si ka tahelwa kale ki muliko o sa konwi ki mutu. Kono

Mulimu wa sepahala, mi h'a na ku lumela kuli mu likwe ki ze mi fita; kono hamoho ni muliko u ka mi fa nzila ya ku zwa ku ona, kuli mu kone ku itiisa ku ona.

II Makorinte 4.17

Kakuli ñalelwa ya luna, ye bu-bebe, ya nako ya cwale, inze i lu fumanisa bufumu bwa kanya, bo bu sa likanyiswi, bo bu sa feli.

Isaya 43.2

Ha u sila mezi ni ka ba ni wena; ha u sila linuka ha li na ku ku kwahela; niha u fita mwahala l'a mulilo ha u na ku ca; mali-mi a ona h'a na ku ku babula.

Sinulo 3.5

Ya tula, u ka apeswa liapalo ze sweu, mi ha ni na ku takula libizo la hae mwa Buka ya bupilo, mi ni ka bulela libizo la hae fapil'a Ndate, ni fapil'a mangeloi a hae.

Sinulo 21.7

Ya tula, u ka yola sanda sa lika zeo kaufela, mi ni ka ba Mulimu wa hae, yena a be mwan'aka.

Sinulo 3.12

Ya tula, ni ka mu eza musumo mwa Tempele ya Mulimu wa ka, mi h'a sa na ku zwa mwa-

teñi; mi ni ka ñola fateñi Libizo la Mulimu wa ka, ni libizo la munzi wa Mulimu wa ka, yena Jerusalema yo munca ya zwa kwa lihalimu ku Mulimu wa ka, ni Libizo la ka luli, le linca.

Sinulo 2.7

Ya na ni lizebe a utwe seo Moya u si bulelela Likeleke: Ya tula, ni ka mu fa ku ca kwa kota ya bupilo ye mwahali a Paladeisi ya Mulimu.

Sinulo 3.21

Ya tula, ni ka mu fa ku ina ni na mwa Lubona Iwa ka, sina Na ha ni inzi ni Ndate mwa Lubona Iwa hae.

46 MULIMU U LU BULELELA ZA KU KAUHANA

Mateu 5.32

Kono na, na mi bulelela, ni li: Mutu nihaikaba ufi kamba ufi ya leleka musal'a hae, konji haili ka ku buka, u mu eza kuli a fetuhe mubuki; mi mutu ni mutu ya nyala musali ya lelekilwe, wa buka.

Luka 16.18

Mutu kaufela ya leleka musal'a hae, mi a nyala yo muñwi, wa nyengela; mi ya nyala ya lelekilwe ki munn'a hae, wa nyengela.

Maroma 7.2, 3

Mi musali ya nyezwi u tamilwe ku munn'a hae ki mulao, munna ha nz'a pila. Kono munna

h'a ka shwa, u lukuluzwi kwa mulao wa munna. Cwale munn'a hae ha nz'a pila, h'a ka nyalwa ki munna u sili, musali yo u ka bizwa mubuki. Kono munn'a hae h'a shwile, u lukuluzwi kwa mulao wo mi cwale h'a ka nyalwa ki munna usili h'a na ku bizwa mubuki.

I Makorinte 7.10, 11

Ku ba ba nyezi, na ba laela, isi na, kono ili Mulena, ni li: Musali a si ke a kauhana ni munn'a hae. Haiba u kauhani, a itulele, a si ke a nyalwa, kamba a kutisane ni munn'a hae. Ni yena munna a si ke a leleka musal'a hae.

KU KUTA KWA KRESTE

47

Mateu 24.27

Kakuli sina lumonyi lwa pula ha lu taha kwa Upa, lu y'o bonahalelela ni kwa Wiko, ku taha kwa Mwan'a mutu ku ka ba honacwalo.

Sinulo 3.11

Bona, ni taha kapili. Swala ka tata s'o na ni sona, kuli mutu a si ke a ku amuha kuwani ya hao ya bulena.

Mareka 8.38

Kakuli mutu kaufela ya ka ni swabela, na, ni manzwi a ka, mwa lusika lo lwa babuki ni lwa baezalibi, Mwan'a mutu ni yena

u ka mu swabela h'a taha ni mangeloi a kenile mwa kanya ya Ndate.

Mateu 24.30

Kiha ku ka taha kwa lihalimu sisupo sa Mwan'a mutu; mi macaba kaufela a lifasi a ka ikalwa, mi a ka bona Mwan'a mutu a taha ka malu a lihalimu, ka mata a matuna ni ka kanya ye tuna.

Joani 14.3

Mi ni sin'o ya, ni ku mi luki-seza sibaka, ni ka kuta, ni t'o mi nga, kuli mo ni inzi, ni mina mu be kwateñi.

Mateu 16.27

Kakuli Mwan'a mutu u swanezi ku taha mwa kanya ya Ndat'ahe, ni mangeloi a hae; mi kih'a ka fa mutu ni mutu mupuzo wa z'a ezize.

I Joani 3.2

Balatiwa, cwale lu bana ba Mulimu, mi se lu ka ba sona ha si si ka bonahazwa kale. Lwa ziba kuli nako y'a ka taha, lu ka swana sina Yena, kakuli lu ka mu bona mw'a inezi.

Sinulo 16.15

A mu bone, ni taha sina lisholi. Ya na ni mbuyoti ki ya li-

belela, mi a buluka liapalo za hae, kuli a si ke a zamaya mapunu, mi ku si ke kwa bonwa maswabi a hae.

Likezo 1.11

Ba li: Banna ba Galilea, kiñi ha mu yemi mu talimile kwa lihalimu? Jesu yo ya isizwe kwa lihalimu a li mwahal'a mina, u ka kuta ka mukwa o mu mu boni a ya kwa lihalimu ka ona.

Luka 12.40

Ni mina mu yeme mu itukisize, kakuli Mwan'a mutu u ka taha ka nako ye mu sa hupuli.

Lisamu 119.105

Linzwi la hao ki lumonyi lwa mwa mautu a ka, Ki liseli la mwa nzila ya ka.

Lisamu 119.11

Ni ipulukezi Linzwi la hao mwa pilu ya ka, Kuli ni si ke na ku foseza.

Deuteronoma 4.2

Mu si ke mwa ekeza se siñwi kwa manzwi e ni mi laela, mi hape mu si ke mwa puma se siñwi ku ona; kuli mu tokomele milao ya Muñ a Bupilo Mulimu wa mina, ye ni mi laela.

II Pitrosi 1.21

Kakuli mwa mazazi a kale bu-polofita ha bu si ka bonahala ka

ku lata kwa mutu; kono batu ne ba bulela ka taelo ya Mulimu inze ba susumezwa ki Moya o Kenile.

Mateu 22.29

Jesu a ba alaba, a li: Mwa fosa, kakuli ha mu si ka ziba Mañolo, ni mata a Mulimu.

Luka 21.33

Lihalimu li ka fela ni lifasi cwalo; kono manzwi a ka h'a na ku fela.

II Timotea 3.16

Liñolo kamukana li tahile ka Moya wa Mulimu, mi li na ni tuso kwa ku luta, ni ku kolisa, ni ku nyaza, ni ku hulisa ka ku luka.

Text reprinted from the Bible in Lozi by permission of the United Bible Societies Regional Centre, Nairobi, Kenya.

Published in numerous languages by World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

World Missionary Press, Inc.
P.O. Box 120
New Paris, Indiana 46553-0120 USA

Zambia